

論語古注集箋

論語古注集箋卷四

吳潘維城學

述而第七

釋文今三十八章

**箋**

陳鱣曰注疏本作舊三十九章今三十八章後人改也子

曰善人陸分章今合之故少一章盧文昭考證同

子曰述而不作信而好古竊比於我老彭**注**

包曰老彭

殷賢大夫也好述古事我若老彭祖述之耳

集解鄭曰

老老聃彭彭祖

釋文而好呼報反注同老彭案大戴禮云商老彭是也鄭云云

老聃

周之太史未知所出

曾子問正義

**箋**

說文述循也述篇文从林作起也禮記樂

記云知禮樂之情者能作識禮樂之文者能述作者之謂聖述者之謂明明聖者述作之謂也墨子非儒

篇儒者曰君子循而不作卽述而不作也老彭大戴  
禮虞戴德篇記孔子之言曰昔商老彭及仲傀政之  
教大夫官之教士技之教庶人揚則抑抑則揚綴以  
德行不任以言四書考異云此最足以明聖人竊比  
之意羣經義證曰老彭鄭指爲二人攷漢書古今人  
表有老彭大戴禮商老彭呂氏春秋執一篇彭祖以  
壽終注彭祖殷賢大夫治性益壽七百論語曰竊比  
於我老彭高氏亦指爲一人老彭殷賢大夫夫子爲  
殷後故云我以引而近之論語後錄曰王弼曰彭彭  
祖案諸家皆以老彭爲兩人唯大戴禮謂老彭卽彭  
祖高注呂不韋書亦云陳鱣曰周守臧室之史也故鄭  
者姓李名耳字伯陽諡曰聃周守臧室之史也故鄭  
云周之太史包以老彭爲一人雖本大戴禮然曾子  
問載夫子問老聃事甚詳正與竊比意合宜從鄭說  
樸學齋札記曰莊子音義引世本云彭祖姓錢名鏗  
在商爲守藏史在周爲柱下史又案史記云老子周  
守藏室之史也索隱曰周藏書室之史蓋老彭二人  
爲商周之史官而老在彭前者孔子於老子有親炙

之義且以尊周史也世本以為一人傳聞之謾耳太  
史主傳述舊聞此言當為修春秋而發故孟子云其  
文則史其義則正竊取之矣即竊比之義班固幽通  
賦若允彭而偕老兮顏注謂彭祖老聃同鄭義也維  
城案潛夫論讀學篇顏項師老彭當別是一人論語  
述何云此篇類記夫子剛定六經之言易詩書禮皆  
述古者也春秋夫子所作亦謙言述  
者其義亦祖述堯舜憲章文武也

子曰默而識之學而不厭誨人不倦何有於我哉注鄭

曰人無有是行於我我獨有之也集解○釋文默而

厭於豔反不倦其箋五經文字默與嘿同經典通為

卷反是行下孟反語默字論語疾質曰孔子嘗曰  
多見而識之知之次也又曰若聖與仁則吾豈敢抑  
為之不默誨人不倦則可謂云爾已矣此言何有於  
我蓋謂此三者夫人能之何足云有  
於我哉子罕篇亦有是言誼同此

子回德之不脩學之不講聞義不能徙不善不能改是

吾憂也

釋文能徙思爾反

箋

說文講和解也徙迻也迻遷徙也憂說文作思愁也从心从思

徐鍇曰思形於顏面故从頁

子之燕居申申如也天天如也

注馬曰申申天天和舒

之貌也

集解○釋文燕居於見反鄭箋禮記目錄云本作宴天天於驕反和舒貌

燕居後漢仇覽傳注引論語燕作宴陳鱣曰一切經音義云宴石經為古文燕是燕為古文宴為今文臧

在東曰鄭所注魯論是今文故作宴也申申或作伸

仲漢書敘傳天天伸伸師古注引此文作伸伸如也

天天或作妖妖廣雅曰妖妖申申容也皇疏天天者

兒舒也讀書證疑以貌舒為笑云笑古止作太或作

笑說文娛女子笑兒許氏以笑為笑段借字讀書叢錄曰申古作伸儀禮士相見禮君子次伸鄭注志倦

則欠體倦則伸說文天屈也言燕居之時其容體屈伸如意論語述何曰燕居謂不仕之時申申謂施教也天如謂弟子發矇有如時雨化之也禮仲尼燕居篇其一端矣維城案漢安世房中歌施教申申王逸楚辭注申申重也禮記仲尼燕居夫子與子張子貢言游更迭問答不憚煩言是其證笑古作关或通作笑無有作天者故謂天天為笑貌可謂即笑字不可詩凱風傳云天天盛貌蓋言夫子燕居容貌之盛也

子曰甚矣吾衰也久矣吾不復夢見周公

釋文不復扶

或無復

**箋**

經義疏記曰集解載孔注云孔子衰老不字非復夢見周公據陸氏所見本知經無復字

乃後人援注所增以經云久矣吾不夢見明先時曾夢見故注云不復夢見復字正釋久矣字陸氏反以無復字為非不審之至讀書叢錄云文選劉所見本亦當無盧諶詩吾衰久矣夫何其不夢周劉所見本亦當無

復字經讀考異云近讀從吾衰也為句久矣連下讀  
 為一句攷此甚矣作一讀吾衰也久矣作一讀吾不  
 復夢見周公作一讀呂氏春秋傳志篇注引論語曰  
 吾衰久矣吾不復夢見周公吾衰下較今文少也字  
 實以吾衰作句首不連甚矣為讀黃山谷答王彥周  
 書引孔子曰吾不復夢見周公不以久矣連此句讀  
 亦可為證四書考異謂李絳論朋黨李善註西征賦  
 引吾不復夢見周公皆無久矣二字久矣字連上為  
 句舊讀多如是潛夫論夢列篇曰凡夢有直有象有  
 精有想有人有感有時有反有病有性孔子生於亂  
 世曰思周公之德夜即  
 夢之此謂意精之夢也

子曰志於道

箋

魏書崔光傳引此據於德箋  
 章文志上有士字據於德箋  
 說文據杜

記少儀注三德也一日至  
 德二曰敏德三曰孝德

依於仁

箋

說文依游於藝  
 倚也

箋

禮記少儀注藝六藝也一日五禮二曰六樂  
 三曰五射四曰五御五曰六書六曰九數

子曰自行束脩以上吾未嘗無誨焉注鄭曰束脩謂年

十五以上也

後漢延誨魯讀為悔字今從古釋文以

反注同無誨

箋論語偶記曰那疏引檀弓少儀穀梁

魯讀云云

贊脯脩是婦人相見之物男子無之嘗以為疑及見

鄭注謂年十五以上恍悟那疏之謬蓋古人稱束脩

有指束身脩行言者列女傳秋胡婦云束髮脩身鹽

鐵論桑宏羊曰臣結髮束脩得宿衛後漢延篤傳曰

且吾自束脩以來馬援杜詩二傳又並以束脩為年

十五俱是鄭注佐證書傳云十五入小學殆行束脩

時矣經學危言云漢書王莽傳自初束脩伏湛傳自

行束脩迄無毀玷延篤傳云云蓋並同鄭解是言成

童以上皆教誨之也若馮衍傳珪璧其行束脩其心

鄭均傳束脩安貧則為約束脩飾之意與魯論誨字

得相合是子言從能束脩以來內省常若不足故所

行未嘗無悔也然既定依古文作誨自當以寸脰脯



爲正解疏引少儀穀梁傳文乃明證矣禮薦脯五臠  
凡作脯之法皆以條內中屈之五臠則爲胸首五爲  
臠者十故謂之束取其與束帛十端而五正者同義  
尙書大傳云國人束脩奔走而從者三千乘是以束  
脩爲束載乾肉猶裹糧之意也此束脩之別一解樸  
學齋札記曰禮曲禮云童子委摯而退者童子見先  
生或尋朋友既未成人不敢與主人相授受拜抗之  
儀但奠委其摯於地而自退避之然童子之摯悉用  
束脩也故論語自行束脩以上吾未嘗無誨是謂童  
子也案如正義謂束脩卽童子摯與鄭說正合然束  
帶脩飾之訓出孔氏論語注見書泰誓正義蓋童子  
初勝帶而以束脩爲摯正取束帶脩飾意亦猶羔取  
善羣雁取候時也夫子於闕黨童子則使將命互鄉  
童子則與其潔已皆未嘗無誨之證羣經義證曰後  
漢書延篤傳注引鄭此注伏湛傳注同此以年計之  
一解也後漢書和帝紀束脩良吏胡廣傳使束脩守  
善有所勸仰劉般傳太守薦般束脩至行爲諸侯師  
注束脩謂謹束脩潔也鄭均馮衍傳云云此以行義

計之一解也曲禮正義檀弓少儀穀梁傳云云漢書朱邑傳束脩之餽論語筆解引說者謂束為束帛脩為脩脯此以贅言之又一解也論語疏質謂檢束其身脩治其行是從謹束脩潔義禮經釋例從束帶脩飾義並不從邢疏而申鄭義陳鱣云魯讀誨為悔是假借

子曰不憤不啟不悱不發舉一隅不以三隅反則不復

也注鄭曰孔子與人言必待其心憤憤口悱悱乃後

啟發為之說也如此則識思之深也說則舉一隅以

語之其人不思其類則不復重教之也集解○釋文

不悱芳匪反為說于偽反箋禮記學記云時觀而弗

以語魚據反復重直用反箋語存其心也注使之悱

悱憤憤然後啟發也說文憤懣也啟教也从攴后聲

下引此文論語後錄曰說文解字無悱字鄭康成言

口悱悱疑卽悱字王篇云悱意不舒治也義近維城  
案說文云悱鬱也懣鬱義亦近蓋一則心不能達一  
則口不能宣也舉一隅皇本唐石經文選李善西京  
賦注引隅下並有而示之三字讀書叢錄云鄭曰說  
則舉一隅以語之鄭本亦當有而示之三字論語述  
何曰聖人之言皆舉一隅而俟人之以三隅反故文  
約而旨無窮董子說春秋云不能察寂若無深察之  
無物不在謂不書多於書也史記世家引此節文無  
不悱不  
發句

子食於有喪者之側未嘗飽也

禮記檀弓注云助哀戚也

子於是日哭則不歌

釋文舊以爲別說文哭哀聲也章今宜合前章三歌詠也禮記檀

弓曰弔於人是日不樂注曰君子哀樂不同日子於是日哭則不歌曲禮哭日不歌注云哀未忘也周禮女巫詠引鄭志謂一日之中既以哀事哭又以樂而歌是爲哀樂之心無常經讀考異云舊讀哭字屬上

是日為句據鄭志臨碩難曰孔子哭則不歌是出何  
經論語曰子於是日哭則不歌謂一日之中云云玩  
鄭所答明以是日絕句又臨碩問亦言哭則不歌益  
可為證四書考異揀義疏木論衡感類篇引是日下  
有也字亦謂哭字當連下讀與曲禮正合

子謂顏淵曰用之則行舍之則藏惟我與爾有是夫

舍之音赦止也一音捨放也與爾箋論語述何曰用

與及也或云與謀也是夫音符箋舍天也孔顏之

學用則堯舜三王之事舍則子路曰子行三軍則誰

傳之其人非有所加損也子路曰子行三軍則誰

與釋文誰與如箋作餘音陸氏謂皇音餘豈皇氏又

有別箸異讀邪皇疏久淪海國近方從子曰暴虎馮

市船購到其中或有被竄亦未可知子曰暴虎馮

河死而無悔者吾不與也釋文馮河字亦箋于田傳

暴虎空手以搏之陳與疏孟子盡心篇晉人有馮婦者善搏虎穆天子傳七萃之士高奔戎請生捕虎必全之乃生捕虎而獻之暴搏捕一聲之轉馮河說文作溯云无舟渡河也从水朋聲論語後錄曰古溯與欠同音馮字从欠溯字从朋皆古音正故通之暴虎馮河蓋當時有此語詩云不敢暴虎不敢馮河又曰袒裼暴虎易曰用馮河皆是文穎說冀州人凡水大小皆謂之河夫子充人也充冀人聲相近必也

臨事而懼好謀而成者也

呼報反釋文好謀

箋論語補疏曰邢疏以成爲

成功義殊不了成猶定也定卽決也三國志郭嘉傳嘉北見袁紹謂紹謀臣辛評郭圖曰袁公多端寡要

子曰富而可求也雖執鞭之士吾亦爲之注鄭曰富貴不可求而得者當修德以得之若於道可求者雖執

鞭賤職我亦為之矣

集解○釋文執鞭必縣反或作鞭音吾孟反非也吾亦為之一

本作吾

**箋**

論語補疏曰易傳稱崇高莫大乎富貴富為之矣貴非聖人所諱言也但有可求不可求耳

不可求所謂不以其道得之也苟以其道得之何不可求之有孟子言非其道一簞食不可受於人如其道則舜受堯之天下不以為泰正與此章之指相發明非道以求富貴鄙夫也必屏富貴不言並其可求者而亦諱之此堅瓠之謂聖人所不取也而與如通而可求即如可求執鞭為條狼氏之職孔子為委吏乘田正所謂吾亦為之論語後錄曰執鞭有二義周禮秋官條狼氏下士八人其職云掌執鞭以趨辟王出入則八人夾道公六人侯伯四人子男二人此一義也地官司市几市入則胥執鞭度守門此一義也以求富之言例之或從地官為長士鹽鐵論如不可

求從吾所好

呼報反

子之所慎齊戰疾

釋文齊側皆反本或

有明衣布齊必

必變食居必遷坐慎齊也本篇子路曰子行三軍則誰與子曰暴虎馮河死而無悔者吾不與也必也臨事而懼好謀而成者也慎戰也鄉黨篇康子饋藥拜而受之曰並未達不敢嘗慎疾也

子在齊聞韶三月不知肉味

注周生曰孔子在齊聞韶

習樂之盛美故忽於肉味也

集解○釋文聞韶反注同

史記

孔子

世家魯亂孔子適齊欲以通乎景公與齊大師語樂聞韶音學之三月不知肉味齊人稱之漢書禮樂志云春秋時陳公子完奔齊陳舜之後招樂存焉故孔子適齊聞韶江氏孔子年譜云昭公二十五年奔齊魯亂孔子三十六歲適齊則聞韶當在是時也說苑修文篇孔子至齊郊門之外遇一嬰兒挈一壺相與俱行其觀精其心正其行端孔子謂御曰趣驅之趣驅之韶音方作孔子至彼聞韶三月不知肉味故樂

非獨以自樂也又以樂人非獨以自正也又以正人  
大矣哉為此樂者不圖為樂至於此論語後錄曰史  
記說苑三月上並有學之二字案其義是韶漢書禮  
樂志作招古字通經讀考異云近讀從韶字絕句考  
此宜以子在齊為讀與子在陳同例下文聞韶三月  
當作一旬史記孔子世家聞韶音學之三月正以聞  
韶屬三月為義論語述何曰此章述樂而獨取韶樂  
則韶舞之意也樂經雖亡脩堯舜三代之禮則有以  
致太平之瑞應不然韶樂雖存何足救齊之亂哉  
曰不圖為樂之至於斯也

注王曰為作也不圖作韶樂之至於此此齊也○集解

文為樂並如字王云為作箋四書考異曰按肅似讀  
也本或作嬌音居危反非為為嬌因謂嬌氏樂官  
在陳而不圖在齊

冉有曰夫子為衛君乎注鄭曰為猶助也衛君者謂輒



也衛靈公逐太子蒯瞶公薨而立孫輒後晉趙鞅納

蒯瞶于戚衛石曼姑帥師圍之故問其意助輒否乎

集解○釋文為衛于偽反注及下同大音泰蒯苦

怪反瞶五怪反鞅於丈反于戚千厯反曼姑音萬

事見春秋子貢曰諾吾將問之一釋文吾將問之

哀公元年子貢曰諾吾將問之一本無將字

也諸磨入曰伯夷叔齊何人也曰古之賢人也

曰賢人古本作賢仁故鄭注云孔子以伯夷叔齊為

賢且仁徐彥云古之賢仁也言古之賢士且有仁行

若作仁字如此解之若作人字不勞解也經學危言

云本作仁者似誤會鄭注句意而矣改鄭則統求仁

而得仁兩句言之耳韓非子曰怨乎箋萃經識小

伯夷之賢與其稱仁亦同此意曰怨乎箋曰公羊傳

不以父命辭王父命以王父命辭父命是父之行乎

子也至漢雋不疑猶引此以斷衛太子之事則在春

秋時可知然蒯聵之廢宜也輒之立亦宜也以靈公而廢蒯聵蒯聵無辭以輒而拒蒯聵則輒將何以爲心矣此怨乎一曰求仁而得仁又何怨出曰夫子不問最爲深切也

爲也

注鄭曰父子爭國惡行也孔子以伯夷叔齊爲

賢且仁故知不助衛君明也

集解○釋文箋論語述惡行下孟反何曰春

秋絕敵蒯聵之出奔又不與其入衛而與石曼姑齊國夏以伯夷辭於靈公曰卒月葬無危文於輒無立文似得爲衛輒故冉有子貢子路皆疑焉輒於王法得立不得拒父爲輒之義當不爲喪主而奉以避位蒯聵之罪已成於出奔又庚晉亂臣而欲篡衛天子不能討齊衛不能拒輒之勢求仁而不得仁矣其禍起於靈公故夫子不爲也時夫子居衛有公養之仕故冉子疑焉子貢曰夫子不爲二賢謀爲夫子反魯地矣

子曰飯疏食飲水曲肱而枕之樂亦在其中矣

釋文曰

反疏木或作蔬所居反食如字謂菜食也一音嗣  
飯也曲肱國弘反臂也而枕之煇反樂亦音洛  
論語後錄曰疏食粗糲之食也儀禮喪服傳云既虞  
食疏食飲水既練食菜果飯素食注疏猶糲也糲即  
粗字說文解字云粗疏也鄭以粗釋疏許以疏訓粗  
明疏即粗矣粗字从米米之疏者曰粗既虞疏食既  
練素食虞深而練淺是疏食深而素食淺矣詩召旻  
彼疏斯稗箋云疏糲謂糲米也米之率糲十稗九藥  
八侍御七九章算術粟一石糲米六斗春斗一斗爲  
稗九升又去爲鑿八升又爲侍御七升故疏爲最粗  
程瑤川九穀考曰凡經言疏食者稷食也稷形大故  
得疏稱論語疏食菜羹玉藻稷食菜羹二經皆與菜  
羹並舉則疏稷一物可知疏言其形稷舉其名也故  
玉藻曰朔月四簋子卯稷食四簋者黍稷稻粱也稷  
食者不食稻粱黍也諸侯日食粱稻各一簋食其美  
者也朔月四簋增以黍稷豐之也忌日食稷者貶之

飯疏食也是故居喪者疏食蓋不食稻粱黍論語曰  
食夫稻於女安乎是居喪者不食稻也喪大記曰君  
食之大夫父之友食之不辟梁肉是居喪者不食梁  
也檀弓知悼子在堂斯其爲子卯也大矣子卯稷食  
是居喪者黍亦不食也不食稻粱黍則所食者稷而  
已故曰疏食者稷食也又云左氏內外傳之麤卽疏  
食之疏一日有冀州人在武邑坐言其鄉俗食以粟  
爲主輔之以麥其賤者則輔之以高粱去是而又北  
則以高粱爲主矣余曰高粱賤乎曰此吾北方之麤  
糧也諸穀去皮皆得云細至高粱雖春之揚之止謂  
之麤糧耳此足證余考定之不繆說文稷齊也五穀  
之長齊稷也案秫稷之黏者秫案稷密大名也黏者  
爲秫北方謂之高梁又淮南子秋畜疏食高誘注菜  
蔬曰疏穀食曰食月令仲冬之月山林藪澤有能取  
蔬食者野虞教道之注云草木之實爲蔬食高誘呂  
氏春秋注云草實曰蔬食四書考異又據周禮聚斂  
疏材釋文云菜也謂疏兼有麤菜二義憲問篇飯疏  
食亦二義得兼其字皆可通作疏肱說文作𠂔云臂

上也。古文玄象形，肱不義而富，且貴於我如浮雲。或从肉，詩無羊傳臂也。

**注**鄭曰：富貴而不以義者，於我如浮雲，非己之有也。

**集**論語述何曰：此因上文而類記之，不特蔽賸與解。變輒也。卽石曼姑之受命於靈公，皆不義也。際可之仕公養之仕，誠不如疏水曲肱矣。

子曰：加我數年五十，以學易，可以無大過矣。**注**鄭曰：魯

讀易爲亦今從古。**釋**文：數色主反。學，家史記孔子世易如字。魯讀云云。家云：孔子晚

而喜易，序彖繫象說卦文言讀易章句三絕曰：假我數年，若是我於易則彬彬矣。風俗通義窮通卷引孔

子曰：假我數年，加亦作假論語稽求篇云：古以詩書禮樂春秋易爲六藝，亦名六學。學之者，則自十五入

大學始，每三年通一學，三十而五學已立。惟易則無時不學。漢藝文志所云：五學猶五行更遞用焉，而易

則與天地相終始故古者四十強仕五十服官政至六十則不親學矣夫子三十五卽游仕齊魯閒五十而爲中都宰未至五十則游仕之際猶思學易所謂易則無時不學者蓋將假此入官之年爲窮經年也惟恐過此之不親學也五十者終學之候也論語古義曰魯論易爲亦君子愛日以學及時而成五十以學斯爲晚矣然秉燭之明尙可寡過此聖人之謙辭也或云古五字如七觀齋孔子晚而好易故有是語史記亦云又經典釋文校語云外黃令高彪碑恬虛守約五十以教此從魯論亦字連下讀也學音效約音要維城案說文教覺悟也从教从口口尙朦也曰聲學篆文教省則教爲學之正字五十以教卽五十以學學與約爲韻似無庸改讀也陳鱣曰五十以學者卽蘧伯玉行年五十而知四十九年之非意也亦可以無大過矣者卽欲寡其過意也然孔子世家云孔子晚而喜易云云是作學易爲得故鄭定從古也得旅息志停讀五十究作十翼此言五十卽乾鑿度

之五十也孫淮海近語曰非以五十之年學易是以五十之理數學易也大衍之數五十河圖中之所虛也惟五與十參天兩地而倚數合參與兩成五衍之數盡於此矣

子所雅言詩書執禮皆雅言也注鄭曰讀先王典法必

正言其音然後義全故不可有所諱也禮不誦故言

執也

集解箋何允云詩書謂教學時也臨文不諱正義曰

行事時也案論語云詩書執禮是教學惟詩書有誦禮則不誦惟臨文行事若有所諱則並失事正故不諱也論語駢枝曰雅言正言也鄭謂正言其音得之但以爲詩書不諱臨文不諱則非是執猶掌也執禮謂詔相禮事文王世子曰秋學禮執禮者詔之雜記曰女雖未許嫁年二十而笄禮之婦人執其禮是也

夫子生長於魯不能不魯語惟誦詩讀書執禮三者必正言其音昔周公著爾雅一篇釋古今之異言通方俗之殊語劉熙釋名曰爾昵也昵近也惟義也義正也五方之言不同皆以近正為主也張晏漢書注亦云爾近也雅正也後人解近正之云或以近而取正或以爲近於正道皆非也上古聖人正名百物以顯法象別品類統人情壹道術名定而實辨言協而志通其後事爲踵起象數滋生積漸增加隨時遷變王者就一世之所疑而斟酌損益之以爲憲法所謂雅也然而五方之音不能強同或意同而言異或言同而聲異綜集謠俗釋以雅言比物連類使相附近故曰爾雅詩之有風雅也亦然王都之音最正故以雅名列國之音不盡正故以風名先都鄰衛者殷之舊都也次王者東都也其餘或先封而次在後或後封而次在前或國小而有詩或國大而無詩大氏皆以聲音之遠近離合爲之甄敘矣王之所以撫邦國諸侯者七歲屬象胥諭言語協辭命九歲屬瞽史諭書名聽聲音正於王朝達於諸侯之國是爲雅言雅



之爲言夏也孫卿榮辱篇云越人安越楚人安楚君子安雅非知能材性然也是注錯習俗之節異也又儒效篇云居楚而楚居越而越居夏而夏是非天性也積靡使然也然則雅夏古字通論語發微亦云記曰爾雅以觀於古足以辨言矣詁者古言詩書禮皆有古言爾雅二十篇首以釋詁釋言釋訓三篇其餘皆由是推之所謂雅言也此爾雅出於周公孔子之明徵也六書之次指事象形會意文字之本體明著而易曉諧聲轉注假借文字之施用萬變而不窮者也故有諧聲則詩書禮可習其讀轉注則詩書禮可陳其義假借則詩書禮可筆之書而一以雅言爲斷蓋詩書爲古人之言與事固必以雅言若禮則行於當時宜可通乎流俗者而孔子皆以雅言陳之故曰執禮皆雅言也是三者爲夫子之文章弟子所共聞故必以雅言明之若易春秋則性與天道不可得聞故爾雅亦不釋也許宗彥鑑止水齋集曰聖門以讀書爲學詩書執禮學之事也詩以治性情明德之學也書以道政事新民之學也禮以範視聽言動克己

復禮止至善之學也禮者止也思無邪則心正矣允  
執其中則天下平矣動容周旋中禮則盛德之至矣  
然則大聖之道亦豈有外於詩書執禮歟此子之所  
以雅言也論語補疏云此與上五十學易當是一章  
如子路無宿諾之例記者因孔子有學易無大過之  
言以此中明之予所雅言指易乃不獨易也於詩於  
書於執禮皆雅言也論語文最為簡妙上既言子所  
雅言下不必又贅一語玩皆字正從易連類之辭雅  
是爾雅之雅文王周公繫易多用假借轉注以為引  
申孔子以聲音訓詁贊之故為雅言孔子贊易似不  
同於說詩書禮不知同一聲音訓詁之所發明贊易  
與說詩書禮同是雅言非有異也江都汪中經義知  
新錄曰詩書執禮樂正以教學人習之故雅言易象  
春秋則微言也易觀其象而玩其占書不盡言言不  
盡意春秋之稱微而顯婉而辨太史職之孔子贊之  
修之而後商瞿左邱明傳之故曰仲尼沒而微言絕  
論語偶記曰子所雅言不及樂何也蓋樂在詩禮中  
矣李札觀樂為歌十五國風樂在詩也宗伯之屬典

樂之官凡二十樂在禮也鄉飲酒及燕禮並升歌鹿  
鳴四牡皇皇者華笙南陔白華華黍閒歌魚麗笙由  
庚歌南有嘉魚笙崇丘歌南山有臺笙由儀合樂周  
南關雎葛覃卷耳召南鵲巢采芣苢鄉射禮奏騶  
虞閒若一大射禮歌鹿鳴三終燕禮大射並管新宮  
周南召南燕禮謂之鄉樂周禮磬師謂之燕樂此更  
樂與詩禮之不可分者也子言詩禮而樂已在中  
也四書考異曰禮文王世子執禮者詔之此執禮文  
之可見者也周禮大史大祭祀戒宿之日讀禮書祭  
之日執書以次位常大會同朝覲以書協禮事將幣  
之日執書以詔王此執禮事之詳著於經者也古者  
學禮行禮皆有詔贊者爲之宣唱按呼使無失錯若  
今之贊禮官其書若今之儀注於此而不正其言恐  
事亦失正故子必雅言也曲禮臨文不諱正義臨文  
謂執禮文行事時也文者禮節文執文卽是執禮所  
云不諱亦猶雅言意也蓋不諱者如區有去求羌于  
二音臨文時當唱去求不以諱正而唱羌于也雅言  
者如齊謂得爲登吳謂善爲伊燕閒晤語不妨各操

土風執禮則必  
合中夏雅音也

葉公問孔子於子路

子路不對

釋文葉公

葉漢書地

郡葉縣楚葉公邑春秋大事表曰楚遷許于葉王子勝曰葉在楚方城外之蔽也楚子乃使遷許于析柵入而更以葉封沈諸梁號曰葉公今河南南陽府葉縣南三十里有古葉城

子曰女奚不

曰其爲人也發憤忘食樂以忘憂不知老之將至云

爾

釋文憤符粉

箋史記孔子世家引作孔子聞之曰

不厭誨人不倦何論語述何日上章言易詩書禮此

謂作春秋也吳楚猶夏亂賊接踵所以憤也春秋成而樂堯舜之知我蓋又在莫年矣經傳釋詞云云爾語已詞也

子曰我非生而知之者好古敏以求之者也注鄭曰言

此者勉勵人以學也

集解○釋文

**箋**

經傳攷證曰此聖人不以生知

自居而處於學知也敏勉也蓋好而信古而勉力求之

子不語怪力亂神

注王曰怪怪異也力謂若稟盪舟鳥

獲舉千鈞之屬也亂謂臣弑君子弑父也神謂鬼神

之事也或無益於教化也或所不忍言也

集解○釋文稟五報

反盪舟吐浪反

**箋**漢書郊祀志引論語說無力亂字

子曰三人行必有我師焉擇其善者而從之其不善者

而改之

釋文我三人行一本無我字

**箋**

史記孔子世家引必有作

必得唐石經穀梁僖二十七年傳范甯注引三人行並有我字漢書武帝紀元朔二年詔三人並行即

用此文論語後錄曰子產曰其所善者吾則行之其所惡者吾則改之是吾師也此云善不善當作是解非謂三人中有善不善也維城案子產語見左襄三十一年傳潛夫論德化篇引而改之作我則改之與左傳同論語述何曰春秋外離會不書者言不足別善惡此其義也

子曰天生德於予桓魋其如予何注包曰桓魋宋司馬

黎也天生德於予者謂授我以聖性也合德天地吉

而無不利故曰其如予何也

集解。釋文。論語後錄曰說

文無魋字漢書西南夷傳有椎結史記作魋結是椎正字魋別字史記孔子世家是歲魯定公

卒孔子去曹適宋與弟子習禮大樹下桓魋欲殺之

十二諸侯年表魯哀公三年孔子過宋桓魋惡之二者不合宋世家與表同江氏年譜兩不從繫於定公十四年云孔子五十七歲陳鱣曰司馬黎誤當作司

馬黎兄  
是也

子曰二三子以我爲隱乎吾無隱乎爾注包曰二三子

謂諸弟子也聖人智廣道深弟子學之不能及以爲

有所隱匿故解之也

集解○釋文知廣音智隱匿汝力反

吾無行而不

與二三子者是正也注包曰我所爲無不與爾共之

者是正之心也

集解

論語述何曰易本隱以之顯春秋推見至隱不足以至隱者不

著也其事與文則眾著其義則二三子皆身通之故曰無行不與

子以四教文行忠信

釋文文行下孟反忠李云臣事君也信李云與朋友交

箋義門

讀書記曰小學先行而後文弟子章是也大學先文而後行此章是也

子曰聖人吾不得而見之矣得見君子者斯可矣子曰

善人吾不得而見之矣得見有恆者斯可矣箋詩賓之初

筵正義引此文善人上子曰作又曰是善人以下古別為一章善人先進篇云子張問善人之道子曰不

踐迹亦不入於室恆易象辭云久說文云常也子路篇子曰南人有言曰人而無恆不可以作巫醫善夫

蓋歎無恆者之眾而以此警之也困學紀聞曰善人周公所謂吉士也有恆周公所謂常人也見周書立

政亡而為有虛而為盈約而為泰難乎有恆矣釋文篇亡而為有虛而為盈約而為泰難乎有恆矣亡如

字一音無此舊為別箋後漢紀引章今宜與前章合箋此公作無

子釣而不綱弋不射宿釋文子釣音弔不綱音剛鄭本同弋羊職反不射食亦反宿息

六反謂箋說文釣鉤魚也綱維絃繩也經義述聞曰宿鳥也箋綱乃綱之譌謂不用網罟也弋說文云矰

前卷二十一上馬 述而 三



也象折木表銳箸形从厂象物挂之也論語後錄曰  
依義當為雉說文解字云雉繳射飛鳥也字少通用  
維城案經典多借用弋無作雉者  
宿說文云止也蓋謂止宿之鳥也

子曰蓋有不知而作之者我無是也注包曰時人多有

穿鑿妄作篇籍者故云然也集箋詩桑柔篇予豈不

多聞擇其善者而從之多見而識之知之次也箋白

通禮樂篇孔子有言吾聞擇其善而從之多見而識  
之也似即引此文漢書溝洫志贊亦引下二句識作  
志論語述何曰不知而作謂不有闕疑也多聞謂兼  
采列國史文擇善而從取其可徵者寓王心也多見  
謂所見世識其行  
事不著其說也

互鄉難與言童子見門人戒注鄭曰互鄉鄉名也其鄉

人言語自專不達時宜而有童子來見孔子門人怪

孔子見也

集解○釋文互鄉戶故反鄉名難

**箋**

困學紀聞

日王无咎云鹿邑外有互鄉城邑人相傳謂互鄉童子見孔子者此處也前代因立互鄉縣其城猶存鹿邑屬亳縣四書釋地續以為不足憑警記曰袁宇記引劉芳徐州記云合鄉即古互鄉孔子所謂難與言者攷漢志合鄉縣屬東海方輿紀要曰合鄉城在嶧縣西北古之互鄉也寰宇記又謂互鄉在陳州項城縣北一里恐非論語後錄曰互之言午午者悟也互鄉猶寢邱耳論語侯質亦云互讀與午同午悟也互鄉之人性多悟難與之言故鄉得互名說文解字曰僮未冠也从人童聲是今作童為借字警記又云皇邢二氏並引琳公云互鄉難與言童子見八字通為一句言此鄉有一童子難與言耳非一鄉皆專惡也此解似勝鄭注十室之邑必有忠

子曰與其進也不

信豈有一鄉之人皆難與言者

與其退也唯何甚

論語後錄曰言疾惡何必已甚乎夫子曰人而不仁疾之已甚

亂也孟子曰仲尼不為已甚者論語述何曰春秋人列國進乎禮義者與之退則因而貶之此其義也

潔已以進與其潔也不保其往也

注鄭曰往猶去也

人虛已自潔而來當與其進之亦何能保其去後之

行也

集解○釋文○論語述何曰諸侯卿大夫所行之行下孟反○多過惡而有一節可以立法聖

人所不遺亦其義也

子曰仁遠乎哉我欲仁斯仁至矣

注包曰仁道不遠行

之則至是也

集解後漢書列女傳班昭女誠引此文解箋斯仁至矣作而仁斯至矣潛夫論

德化篇亦作仁斯至矣是古本仁字在斯字上

陳司敗問昭公知禮乎注鄭曰司敗人名齊大夫司敗

如字鄭以為 **變** 論語古義曰古陳田字通故以為齊

人名云云 **變** 大夫陳鮪曰鄭蓋以齊之陳氏名司

敗也左文十一年傳楚子西曰臣歸死于司敗杜注

陳楚名司寇為司敗也是司敗本陳楚官而齊大夫

取為名也維城案陳說是也 **孔子曰知禮孔子退揖**

春秋時齊有陳氏無田氏 **孔子曰知禮孔子退揖**

**巫馬期而進之曰吾聞君子不黨君子亦黨乎君取**

**於吳為同姓謂之吳孟子君而知禮孰不知禮**

釋文

入反說文云攘也一云手著臂曰揖巫馬

音無君娶七仕反本今作取為同于偽反 **變** 巫馬期

子傳巫馬施字子旗呂氏春秋亦云巫馬旗論語古

義曰說文施旗兒齊樂施字子旗知施者旗也古人

名字相配故白虎通云聞名即知其字聞字即知其

名古旌旗字無作期者當从史記作旗論語埃質曰

述而

巫馬官名於周官屬夏官先世居是官因以爲氏也  
君取於吳爲同姓謂之吳孟子者禮記坊記子云取  
妻不取同姓以厚別也故買妾不知其姓則卜之以  
此坊民魯春秋猶去夫人之姓曰吳其死曰孟子卒  
注吳大伯之後魯同姓也昭公取焉去姬曰吳而已  
至其死亦略云孟子卒不書夫人某氏薨孟子蓋其  
且字論語後錄曰此所云春秋卽不修春秋也司敗  
蓋據此而言周之制同姓百世敵敗不通昭公取吳  
不告于天子天子亦不命之故雜記曰夫人之不命  
於天子自魯昭公始也論語述何連君而知禮二句  
解之云春秋於孟子不書逆女不書薨葬於卒也不  
書吳孟子諱文也陳司敗若問昭公取同姓可爲知  
禮乎則夫巫馬期以告子曰正也幸苟有過人必知  
之

子與人歌而善必使反之而後和之

釋文後和

**箋**

史記孔子

世家云使人歌善則使復之然後和之

子曰文莫吾猶人也躬行君子則吾未之有得

論語

曰楊慎丹鉛錄引晉樂肇論語駁曰燕齊謂勉強為文莫又方言曰侔莫強也北燕之北郊凡勞而用勉若言努力者謂之侔莫案說文恣強也慎勉也恣讀若曼文莫即恣慎假借字也廣雅亦云文勉也勉密勿強沒文莫皆一聲之轉文莫行仁義也躬行君子由仁義行也維城案說文恣从心文聲慎从心莫聲二字相次則文莫者恣慎之省非假借也淮南繆稱篇猶未之莫與高誘注莫勉之也與此同義論語述何曰夫子書六經皆以古文不依史籀所造故不猶人也躬行或不能不隨時如魯人略孔子亦略是也故云未之有得經義述聞曰莫蓋其之誤言文辭治其猶人也上下相應猶左傳其將積聚也其與也相應也

子曰若聖與仁則吾豈敢

論語補疏曰聖者通也大戴禮四代篇云聖知之華

也聖與仁抑為之不厭誨人不倦則可謂云爾已矣

公西華曰正唯弟子不能學也注馬曰正如所言弟

子猶不能學也況仁聖乎集解鄭曰魯讀正為誠今從

古釋文抑為於力反不厭變陳鱣曰魯讀亦通馬曰於豔反正唯下引魯讀變正如所言對子義較精

故鄭從之

子疾病子路請禱注包曰禱禱請於鬼神也

集解○釋文子疾一

本云子疾病皇本同鄭本無病字案集後漢方術

解於子罕篇始釋病則此有病字非  
子有疾亦無病字惟周禮大祝疏引  
作孔子病禱說文云告事求福也  
子曰有諸注周

生日言有此禱請於鬼神之事乎集子路對曰有之

誄曰禱爾于上下神祇釋文有之誄曰力軌反說文

求福也以誄為謚變論語作謚引見說文論語後錄

也神祇祈之反變論語作謚引見說文論語後錄

日作謚者是謚禱也謚論語作謚引見說文論語後錄

後之稱不得以誄為謚然亂之亦自漢時周禮大祝

六日誄先鄭曰誄謂累積生時德行以錫之命主為

其辭也春秋傳曰孔子卒哀公誄之或曰誄讀論語

所謂誄曰禱爾于上下神祇以六辭之誄讀如論語

之誄是潤謚於誄之始歟神祇說文云神天神引出

萬物者也祇地祇子曰止之禱久矣注鄭曰明素

提出萬物者也後漢方箋論衡感虛

恭肅於鬼神且順子路之言也術傳注箋篇引此云

聖人脩身正行素禱之日久天地鬼神知其無罪故



日子待也吾坐席不敢先居處若齋食飲若祭吾卜  
之久矣莊子之言與此可相發明出卜讀同詩握粟  
卜出

子曰奢則不孫儉則固與其不孫也寧固

釋文不箋論  
孫音遜

述何曰儉古之敝也奢今之敝也固則不中禮不孫  
則上下凶等故救春秋之亂者寧儉而不中禮矯枉  
者勿過其正  
不得直也

子曰君子坦蕩蕩小人長戚戚注鄭曰坦蕩蕩寬廣貌

也長戚戚多憂懼貌也集解魯讀坦蕩為坦湯今從古

釋文坦吐但反蕩蕩徒黨反箋坦說文云安也陳鱣曰  
反魯讀云云戚戚千厯反箋鄭讀蕩者同王道蕩蕩  
段大令曰坦蕩當為但湯虛學士曰魯論亦不必二  
字皆異文詩宛止之湯亦讀蕩論語後錄曰宛止傳

湯蕩也是湯蕩義同蕩蕩無思慮貌王逸說維城案  
高誘淮南子原道訓注引論語曰其德坦蕩似卽此  
文

子溫而厲威而不猛恭而安

釋文一本作子曰厲作例  
皇本作君子案此章說孔

子德行依此  
文爲是也

泰伯弟八

釋文凡二  
十一章

子曰泰伯其可謂至德也已矣三以天下讓民無得而

稱焉

注鄭曰泰伯周大王之長子次子仲雍次子季

歷大王見季歷賢又生文王有聖人表故欲立之而  
未有命大王疾泰伯因適吳越采藥大王歿而不返

季歷為喪主一讓也季歷赴之不來奔喪二讓也免

喪之後遂斷髮文身三讓也三讓之美皆隱蔽不著

故人無得而稱焉正義王曰泰伯周大王之大子也次

弟仲雍少弟曰季歷季歷賢又生聖子文王昌昌必

有天下故泰伯以天下三讓於王季其讓隱故民家

無得而稱言之者所以為至德也集解○釋文民無

音泰下同少變韓詩外傳十大王賈甫有子曰太伯

弟詩照反變仲雍季歷歷有子曰昌太伯知大王

賢昌而欲季為後也太伯去之吳大王將死謂曰我

死汝往讓兩兄彼即不來汝有義而安大王薨季之

吳告伯仲伯仲從季而歸羣臣欲伯之立季季又讓

伯謂仲曰今羣臣欲我立季季又讓何以處之仲曰

刑有所謂矣要於扶微者可以立季季遂立而懿文  
王文王果受命而王孔子曰太伯獨見王季獨知伯  
見父志季知父心故大王太伯王季惟此王季因心則友  
而能承志矣詩曰自大伯王季惟此王季因心則友  
則友其兄則篤其愛載錫之光受祿無喪此之謂也  
吳越春秋云古公病將卒令季歷三讓國於泰伯而  
三讓不受故云泰伯三以天下讓又云古公卒泰伯  
仲雍歸赴喪畢還荆蠻國民君而事之自號爲句吳  
論衡四諱篇亦曰昔太伯見王季有聖子文王知大  
王意欲立之入吳采藥斷髮文身以隨吳俗大王薨  
大伯還王季辟主大伯再讓王季不聽三讓曰吾之  
吳越吳越之俗斷髮文身吾刑餘之人不可爲宗廟  
社稷之主王季知不可權而受之三說雖微有不同  
要與鄭異者三說當出今文家鄭從古文家說也又  
御覽四百二十四載晉孫盛泰伯三讓論曰玄所云  
云既失之而肅亦未爲得也玄之所云三跡顯然天  
下所共見也何得云隱而未著乎三跡苟著則高讓  
可知亦復不得云其讓隱也蓋泰伯之出讓跡已露

不奔喪故一事耳斷髮之言與左傳明文相背又不  
經也然則稱三讓者其在古公至文王乎周之王業  
顯於夏父受命於昌泰伯元覽奔周太子之位一讓  
也假託遜遁受不赴喪之讓潛推大美二讓也無庸  
嗣而不養仲雍之子以爲己後是深思遠防令周嗣  
在昌天人叶從四海悠悠無復纖芥疑惑三讓也凡  
此三者帝王之業故孔子曰三以天下讓言非直常  
讓若臧札之倫者是說非惟與鄭王異并與韓趙  
王三家異其所以但言鄭王者三家不若二家注經  
之顯也論語述何曰泰伯知天命在文王不欲以己  
紊立子之法故借仲雍之荆蠻不奔喪不立仲雍之  
子爲後合於中庸之德也似本孫讓日知錄曰三以  
天下讓皇矣之詩曰帝作邦作對自大伯王季則泰  
伯之時周日以彊大矣乃託之采藥往而不反當其  
時以國讓也而自後日言之則以天下讓也宗祧不  
記其功彝鼎不銘其迹此所謂三以天下讓民無得  
而稱焉者也無得釋文云本亦作德經義雜記曰集  
解引王肅云無得而稱是王本作得後漢志丁鴻傳

論引作無德李注云論語載孔子之言也又引鄭志  
無德而稱焉是鄭本作德釋文所見蓋即鄭本王肅  
好與鄭難故改其義讀書性錄云論語兩無德而稱  
焉語意迥別泰伯三以天下讓正唯無德而稱所以  
為德之至猶云上德不德也若齊景公徒以千駟夸  
耀於生前則真無德可稱矣伯夷叔齊唯其有德是  
以立名不朽也其斯之謂與斯字正據德言故邢疏  
云貴德也維城案易小畜尚德載虞仲翔本作得則  
得德古通然論語後錄引延篤云泰伯三  
讓入無德而稱是又古本作德之一證

子曰恭而無禮則勞慎而無禮則愆注鄭曰愆愆質貌

釋文則愆絲里說文無愆字潛研堂答問曰愆从  
反下引鄭云意州無義當為認字之譌說文認恩  
之意荀子議兵篇認認然懼天下之一合而軋已也  
漢書刑法志引作鯁蘇林讀如慎而無禮則愆之愆  
認正字鯁假借字愆則俗字也論語埃質亦謂此文  
與漢書皆當依孫卿作認泰伯从艸皆非也論語後

錄又引荀子甚有其認也楊倞注認懼許楊義解與  
論語之言近或認謬為慈歟然則蘇林漢書注訓鯁  
鯁為愚兒亦以鯁為認矣讀書叢錄曰方言慎憂也  
又云慎思也凡思之貌亦曰慎慈即思字文選魏都  
賦誰勁捷而無猓李善注引論語此文云猓與慈同  
勇而無禮則亂直而無禮

則絞注

馬曰絞絞刺也

集

鄭曰絞急也

釋文絞古卯反馬云刺也

又七肆反

雙

說文絞緼也从交糸段玉裁注刺盧達切乖刺也馬鄭義無異急則無不乖刺

者也皇侃陸德明乃讀刺七賜反其繆甚矣又曰交  
系者兩絲相切也禮喪服絞帶者繩帶也兩繩相交  
而緊謂之絞故鄭以為急也維城案陽貨篇好直不  
好學其蔽也絞好勇不好學其蔽也亂蓋不好學則  
必無禮矣故君子篤於親則民興於仁故舊不遺則  
其蔽同也

民不偷注

包曰興起也君能厚於親屬不遺忘其故

舊行之美者也則民皆化之起為仁厚之行不偷薄

也

集解○釋文不偷他侯  
反行之下孟反注同  
**變**爾雅篤厚也毛詩椒聊大明公劉傳同說文篤

馬行頓遲也段氏注古段借為篤字以皆竹聲也二

部曰竺厚也篤行而竺廢矣計簡云古論語作竺遺

說文云忘也偷說文作偷云薄也齊語管子曰政不

旅舊則民不偷韋昭注舊君之故舊也偷苟且也不

以故人為師旅則民之相與不苟且也孔

子曰故舊不遺云云苟且與薄義相近

曾子有疾召門弟子曰啟予足啟予手注鄭曰啟開也

曾子以為受身體於父母不敢毀傷之故使弟子開

衾而視之也

集解○釋文  
開衾苦今反  
父母全而生之亦當全而歸

之

後漢崔  
**變**召門弟子禮記檀弓云曾子寢疾病樂  
正子春坐于堂下曾元曾申坐於足塗



子隅坐而執燭下卽記曾子易簣而沒事鄭注樂正  
子春曾參弟子則在召門弟子後明矣子春其卽所  
召之一人乎維城案曾子弟子子張篇有陽膚孟子  
離婁篇有沈猶行萬章篇有公明高禮記祭義篇有  
公明儀注皆以爲曾子弟子漢書藝文志曾子十八  
篇王應麟考證云隋唐志二卷參與弟子公明儀樂  
正子春單居離曾元曾華之徒論述立身孝行之要  
天地萬物之理則曾子弟子又有單居離矣而史記  
吳起傳云吳起者衛人也好用兵嘗學於曾子陸德  
明經典釋文注解傳述人於春秋云左丘明作傳以  
授曾申申傳衛人吳起蓋本劉向別錄當屬經師舊  
說則起乃曾申弟子非曾參弟子也檀弓穆公之母  
卒使人問於曾子曰如之何對曰中也問諸申之父  
曰哭泣之哀齊斬之情饘粥之食自天子達故鄭注  
以此曾子爲曾參之子名申亦曾申稱曾子之一證  
不得以史記云起學於曾子謂起亦在此門弟子中  
也啟予足說文諺字下云讀若論語諺子之足論語  
後錄曰今本作跂予之足說文解字無跂字刊本誤

言為足耳爾雅釋言諺離也許氏之本應是古文論語段氏注眇當是啟誤或曰當作哆予之足哆猶開也陳鱣引說文亦作眇予之足論衡四諱篇引啟予足二句啟作開文選歎逝賦注引啟作起四書考異以起為誤論衡避漢景帝諱是也秋樣雜記曰喪大記小臣爪足又曰小臣爪手謂剪爪也上喪禮浴用巾拒用浴衣渙濯棄于坎蚤揃如他日注蚤讀為爪斷爪揃髮也此既死沐浴後事曾子豫言之重身體也故云而今而後吾知免夫言既死而知詩云戰戰免也不然一息尚存不容少懈還言免乎詩云戰戰兢兢如臨深淵如履薄冰居陵切兢戰詩小旻傳戰戒也如臨深淵恐墜也如履薄冰恐陷也陳奐疏雲漢傳兢兢恐也此以戰戰為恐則兢兢為戒戒慎與恐懼無二義也雲漢兢兢亦作矜矜說文兄部云兢讀若矜引詩戰戰兢兢本亦作矜矜說文兄部云兢讀若矜墜俗隊字罔從高下也維城案水說文作久云東也冰水堅也重文作疑云俗水从疑則冰乃疑字今本

皆作冰不作久誤大戴禮曾子疾病篇曾子曰與小人處如履薄冰每履而下幾何而不陷乎哉呂氏慎大覽引周書曰若臨深淵若履薄冰四書考異曰呂覽以小旻詩爲周書若誤謬然說苑政理篇成王問政於尹逸逸對曰如臨深淵如履薄冰王曰懼哉對曰四海之內善之則畜也不善則讎也若何其無懼也呂氏離俗覽別引善之則畜二語亦云周書是說苑所錄尹逸一節乃周書全文漢志周書有七十一篇云是孔子所論百篇之餘今傳孔晁注本惟六十篇篇中復多脫誤當七十一篇完具時其中自有尹逸對成王語而呂氏兩引之耳維城案小旻詩序云大夫刺幽王也而周書云尹逸對成王則在小旻未作以前曾子引詩不引書者周書此篇而今而後吾已爲孔子所刪或書無戰戰兢兢句耳

知免夫小子注

周生曰乃今日而後我自知免於患

難矣小子弟子也呼者欲使聽識其言也

集解○釋文免夫音

符患難經傳釋詞曰而猶乃也襄七年乃旦反**變**左傳云吾乃今而後知有卜筮

曾子有疾孟敬子問之**注**馬曰孟敬子魯大夫仲孫捷

也集解○釋文孫捷在變引作孟儀往問之宋石經接反本又作變同

作孟曾子言曰鳥之將死其鳴也哀人之將死其言

也**善注**包曰欲戒敬子言我且將死言善可用也集解

君子所貴乎道者三動容貌斯遠暴慢矣正顏色斯

近信矣出辭氣斯遠鄙倍矣**注**鄭曰此道謂禮也動

容貌能濟濟跄跄則人不敢暴慢之也正顏色能矜

莊嚴栗則人不敢欺誕之也出辭氣能順而說則無

惡戾之言入于耳也

集解。釋文斯遠于萬反。注同。斯近附近之近鄙倍蒲悔反。濟

濟子禮反。踰踰七良反。本

變也。荀子大略篇君子聽

或作銷同。惡戾力計反。律習容而後士史記孔子世家設禮容漢書儒林傳

魯徐生善為頌注蘇林曰漢舊儀有二郎為此頌貌

威儀事有徐氏徐氏後有張氏不知經但能盤辟為

禮容天下郡國有容使皆詣魯學之後漢劉昆傳少

習容禮李容傳習禮容皆其證也正顏色云云鹽鐵

論鍼石章丞相史曰問諸鄭長孫曰君子正顏色則

遠暴慢出辭氣則遠鄙倍矣長孫蓋述曾子言也辭

氣論語後錄曰謂政教也詩曰辭之輯矣民之洽矣

則有司存

注包曰敬子忘大務小故又戒之以此也

籩豆禮器也

集解。籩豆之事論語釋故曰爾雅木豆

謂之豆周禮旅人為豆實三而成

觶崇尺鄭注豆實四升祭統云夫八薦豆執校執醴授之執鉶鄭注校豆中央直者也鉶豆下跗也禮圖云口員徑尺黑漆飾朱中大夫以上畫以雲氣諸侯以象天子以玉皆謂飾其豆口也然則豆者以木爲之高一尺口足徑一尺其足名鉶中央直者名校校徑二寸其豆四升用薦酒醢醢人掌四豆之實是也爾雅又云瓦豆謂之登大雅生民于豆于登傳豆薦肺醢登盛大羹冬官旅人爲瓦器而云豆中縣則登亦通謂之豆少牢饋食兩瓦豆有醢亦用瓦豆爾雅又云竹豆謂之籩鄭云以竹爲之口有藤緣形制如豆亦受四升豆宜溼物籩宜乾物籩人掌四籩之實盛棗栗之屬是也明堂位薦用雕簋鄭云籩屬也以竹爲之雕刻飾其直也疏云形似簋儀禮所用或一豆一籩或二豆二籩或四豆四籩此士大夫之禮也周禮醢人朝事之豆八饋食之豆八加豆之實八羞豆之實二此天子之祭禮也禮器天子之豆二十有六諸公十有六諸侯十有二此天子諸侯所用之數也又聘禮歸饗餼二十豆公食大夫下大夫六豆上

大夫八豆此皆諸侯待聘賓之禮也周禮掌客上公  
豆四十侯伯豆三十有二子男豆二十有四此天子  
待賓客之禮也掌客之數較多於禮器之數者禮器  
用數也掌客陳數也又經中舉豆數者獨不及籩數  
蓋豆重而籩輕觀特牲禮獸祭時薦兩豆及饋食時  
佐食羞庶羞四豆皆未用籩及主婦亞獻始設籩贊  
籩祭少牢禮則至賓尸時主婦始取四籩于房設于  
豆西觀其先後之序則豆重籩輕可見又籩豆數同  
云一豆一籩脯醢士冠士昏醴賓鄉飲鄉射聘禮醴  
賓燕禮大射獻公獻賓獻卿士喪禮始死鄉射聘禮  
奠特牲主人獻賓兩豆兩籩葵菹醢栗脯士冠再  
醢大斂馭豆兩籩無膝士虞獻祝特牲主婦致爵于  
主人四豆四籩非菹葵菹醢醢醢醢醢醢醢醢醢  
遣奠少牢饋尸有豆無籩士昏禮夫婦席醢醬二豆  
菹醢四豆將饋舅姑有菹醢聘禮歸饗西夾六豆東  
夾如之公食大夫下大夫六豆上大夫八豆士喪禮  
朔月奠無筴有黍稷當籩位蓋禮經籩豆之數之位  
略具於此矣則有司存皇那二疏並以有司二字連

文讀書勝錄曰蕭山徐鯉云後漢書崔琦傳百官外  
內各有司存文選頭陀寺碑文庠徒揆曰各有司存  
訖其文義皆當以司存二字連讀故晉書職官志序  
云咸樹司存各題標準準又桓沖傳云臣司存闕外甄  
隨宜處分北齊儒林傳敘云齊  
氏司存或失其守益可以證矣

曾子曰以能問於不能以多問於寡有若無實若虛犯

而不校注包曰校報也言見侵犯而不校之也解箋

開成石經校作校論語後昔者吾友嘗從事於斯矣

錄曰作校是俗誤從手旁注馬曰友謂顏淵也解箋篇引作吾友史通序傳

曾子曰可以託六尺之孤注鄭曰六尺之孤年十五已

下正義箋託玉篇人部侂恥各切侂寄也下引此文作  
義箋侂經義雜記曰說文人部侂寄也从人庀聲



庀古文宅言部託寄也从言毛聲二字音義本同然  
據玉篇所引則論語舊是侂字蓋从言者以言託寄  
之从人者以人侂寄之義各不同今从言蓋通借字  
顧野王所見古本作侂與說文合六尺字見周禮鄉  
大夫職賈疏謂年十五與鄭義微有不同者釋地三  
續謂寄託者不必定年十五是也論語後錄云十五  
已上六尺十二已上五尺漢大可以寄百里之命箋  
樂律之法也鄭蓋以漢律釋之可以寄百里之命箋  
奇說文云託也論語發微曰六尺之孤謂幼君百里  
之命謂黎民也書多方大降爾四國民命王肅曰君  
為民命為君不能順民意故誅之也偽孔傳亦云民  
命謂君也多方大降爾命偽孔傳亦云謂誅紂也此  
兩文馬鄭注俱不傳或與偽孔王肅同皆馬鄭說異  
則陸孔亦當載也是國君為民命所繫故謂之民命  
今若匹子幼民命寄於大臣故曰寄臨大節而不可  
百里之命蓋猶秦誓言子孫黎民也臨大節而不可  
奪也君子人與君子人也釋文一本作君子人也箋陳

曰皇那本皆有人字拜經日記曰皇疏言爲臣能受託幼寄命又臨大節不回此是君子人與也再言君子美之深也案此釋經上句作君子人與下句作君子也無人字又引繆協曰夫能託六尺於其臣寄顧命於其下而我無二心彼無二節授任而不失人受任而不可奪故必齊同乎君子之道審契而要終者也非君子之人與君子者孰能要其終而均其致乎蓋讀君子人與君子也七字爲句君子人者言此爲君子一流人所謂齊同乎君子之道者也君子也者有德者之定名毅然稱之爲君子而無疑也亦上有

人字下無人字今本下文亦衍皇疏標起止同又釋文大書人與二字注云音餘又大書君子也三字注云一本作君子人也然則陸德明本上有

曾子曰士不可以不弘毅任重而道遠注包曰弘大也毅強而能決斷也士弘毅然後能負重任致遠路也

集解○釋文弘毅魚

氣反能斷丁亂反

箋

引爾雅釋詁云大也邢疏含

文安怒也一日有決也維城案左宣二年傳殺敵為

果致果為毅禮記中庸篇發強剛毅足以有執也皆

有強能

決斷義

仁以為己任不亦重乎死而後已不亦遠乎

箋

後漢蔡邕傳注引仁以為己任四句張衡傳注引

子曰興於詩注包曰興起也言修身當先學詩也

集解立

於禮注

包曰禮者所以立身也

集箋

季氏篇不學禮

不知禮無以立也

成於樂箋

憲問篇文之以禮樂亦

則立必於禮也

成必於

子曰民可使由之不可使知之注

鄭曰民冥也其見人

道遠

禮記喪服傳疏

由從也言王者設教務使人從之若皆

知其本末則愚者或輕而不行

後漢方箋出孝經援

神契經義雜記曰書堯典正義引六藝論云若堯知命在舜舜知命在禹猶求於羣臣舉於側陋上下交讓務在服人孔子曰人可使由之不可使知之此之謂也與此注義同皆言愚者不可使盡知本末也疑鄭注魯論本作人可使由之六藝論引同故注云務使人從之不作民字維城案民之作人當是仲達避唐諱非必魯論異文也春秋繁露深察民號篇云民者暝也民之號取之暝也書多士序遷頑民鄭注民無知之稱荀子禮論外是民也楊倞注民民無知者皆足證不可使知之義

子曰好勇疾貧亂也

注包曰好勇之人而患疾己之貧

賤者必將為亂也

集解○釋文好勇呼報反注同

人而不仁疾之已

甚亂也注鄭曰不仁之人當以風化之若疾之甚是

益使爲亂也

後漢郭箋論衡問孔篇引人而不仁而秦傳注箋作之論語述何曰春秋於畔

盜則誅之於吳楚則先治小惡不爲已甚此其義也

子曰如有周公之才之美使驕且吝其餘不足觀也已

釋文驕且吝力訛反箋論語古義曰周書庶僚篇周又力慎反本亦作恡公曰不驕不恡時乃無敵此

周公生平之學所以裕制作之原也夫子因反其語以誠後世之爲人臣者據此吝本亦作恡者是論語

後錄曰觀讀如觀其所由之觀周公之才之美其所以也驕且吝其所由也故曰不足觀

子曰三年學不至於穀不易得也注鄭曰穀祿也

釋文於穀

公豆反鄭及孫綽云祿也箋論語後錄云不至於穀不易孫音亦鄭音以鼓反箋者不干祿之謂言不干

祿之人  
不可得

子曰篤信好學守死善道危邦不入亂邦不居天下有道則見無道則隱注包曰言行當常然也危邦不入

謂始欲往也亂邦不居今欲去也臣弑君子弑父亂

也危者將亂之兆也集解○釋文則見賢徧反又音現行當下孟反惠棟鄰反古臣字本

今作臣弑變守死善道論語述何謂如公弟叔肸孔

音試下同變父荀息仇牧之屬危邦不入亂邦不居

後漢書獨行傳邦有道貧且賤焉恥也邦無道富且

貴焉恥也箋潛夫論本政篇引此邦作國云言衰世之士志彌潔者身彌賤佞彌巧者官彌

尊也中論爵祿篇或問古之君子貴爵祿與曰然諸

世之亂見貴而有是言非古也古之制爵祿也爵以居有德祿以養有功功大者祿厚德遠者爵尊功小者其祿薄德近者其爵卑是故觀其爵則別其人之德也見其祿則知其人之功也古之君子貴爵祿者蓋以此也孔子曰邦有道貧且賤焉恥也文武之教衰黜陟之道廢諸侯僭恣大夫世祿爵人不以德祿人不以功竊國而貴者有之竊地而富者有之姦邪得顯仁賢失志於是則以富貴相詬病矣故孔子曰邦無道富且貴焉恥也列女傳賢明篇柳下惠妻曰君子有二恥國無道而貴恥也國有道而賤恥也

子曰不在其位不謀其政

子曰師摯之始關雎之亂洋洋乎盈耳哉注鄭曰師摯

魯大師之名也始猶首也周道既衰微鄭衛之音作正樂廢而失節魯大師摯識關雎之聲而首理其亂

者洋洋乎盈耳哉聽而美也

集解○釋文師摯音至  
關雎七餘反洋洋音羊

論語駢枝曰始者樂之始亂者樂之終樂記曰始奏以文復亂以武又曰再始以著往復亂以飭歸皆以始亂對舉其義可見凡樂之大節有歌有笙有閒有合是爲一成始於升歌終於合樂是故升歌謂之始合樂謂之亂周禮大師職大祭祀帥瞽登歌儀禮燕及大射皆大師升歌摯爲大師是以云師摯之始也合樂周南關雎葛覃卷耳召南鵲巢采芣苢凡六篇而謂之關雎之亂者舉上以該下猶之言文王之三鹿鳴之三云爾升歌言人合樂音詩互相備也洋洋盈耳總歎之也自始至終咸得其條理而後聲之美盛可見言始亂則笙閒在其中矣孔子反魯正樂其效如此禮經釋例亦曰凡樂皆四節初謂之升歌次謂之笙奏三謂之閒歌四謂之合樂鄉飲酒禮一人舉觴畢工入升自西階工歌鹿鳴四牡皇皇者華此升歌也謂瑟與人聲歌於堂上也又云笙入堂下磬南北而立樂南咳白華華黍此笙奏也謂笙入奏



於堂下也又云乃閒歌魚麗笙由庚歌南有嘉魚笙  
崇玉歌南山有臺笙由儀此閒歌也謂堂上之歌與  
堂下之笙閒作也又云乃合樂周南關雎葛覃卷耳  
召南鵲巢采芣采蘋此合樂也謂堂上堂下眾聲俱  
作也凡四節鄉射禮遵入獻酢之後工入升自西階  
北面笙入立于縣中四面乃合樂周南關雎葛覃卷  
耳召南鵲巢采芣采蘋但合樂一節無升歌笙奏閒  
歌三節者注云志在射略於樂也燕禮獻大夫後工  
人升自西階歌鹿鳴四牡皇皇者華此升歌也公爲  
大夫舉旅後笙入立于縣中奏南陔白華華黍此笙  
奏也乃閒歌魚麗笙由庚歌南有嘉魚笙崇玉歌南  
山有臺笙由儀此閒歌也遂歌鄉樂周南關雎葛覃  
卷耳召南鵲巢采芣采蘋此合樂也亦四節大射儀  
獻大夫畢工升自西階乃歌鹿鳴三終此升歌也又  
云乃管新宮三終此笙奏也但有升歌笙奏兩節無  
閒歌合樂兩節者亦志在射略於樂也經云鹿鳴三  
終蓋統四牡皇皇者華而言故鄉飲酒義亦祇云升  
歌三終此其證也注謂不歌四牡皇皇者華主於講

道略于勞苦諮事也非也燕禮記升歌鹿鳴下管新  
宮笙入三成遂合鄉樂注言遂者不閒也疏陳之以  
為吹管者亦吹笙是知下管即笙奏也李氏光地亦  
據儀禮作樂凡四節謂堂上之樂工鼓琴瑟而歌堂  
下之樂或主笙或主管各以所宜故曰歌者在上匏  
竹在下即笙管之謂也上下迭作則謂之閒上下並  
作則謂之合準此以求則搏拊琴瑟以詠升歌之樂  
也下管鼗鼓合止祝敔下管之樂也其說是也竊謂  
此師學之始謂升歌也大射工六人大師少師各一  
人為樂之始也關雎之亂謂合樂也樂之卒章為亂  
合樂為樂之終也不言笙奏閒歌者舉始終以該其  
全也亦與禮經相發明又案合樂之說賈疏甚確謂  
堂上堂下笙歌並作也鄉飲酒義台樂三終燕堂上  
瑟歌關雎葛覃卷耳則堂下亦笙奏之是為周南三  
終堂上瑟歌鵲巢采芣采蘋則堂下亦笙奏之是為  
召南三終故曰合樂三終也孔穎達正義謂若工歌  
關雎則笙吹鵲巢合之工歌葛覃則笙吹采芣合之

工歌卷耳則笙吹采蘋合也不知孔氏所謂合之者  
工歌關雎以後始笙鵲巢以合之乎抑工歌關雎時  
即笙鵲巢以合之乎如工歌關雎時即笙鵲巢以合  
之則堂上歌者此篇堂下笙者彼篇萬無可合之理  
如工歌關雎後始笙鵲巢以合之則仍是間歌非合  
樂矣且果歌者為周南笙者為召南則經文何不直  
云歌關雎葛覃卷耳笙鵲巢采芣苢而云合樂乎  
孔氏之解蓋不若賈疏為得矣據此則始當謂升歌  
關雎之亂謂堂上堂下並作關雎詩也經學厄言云  
始者師摯在官之時雅頌尚未失所自初奏以迄終  
亂合樂關雎洋洋盡美今自師摯適齊此音不可得  
聞矣故追而歎之亦一通也羣經義證又云魯齊韓  
三家皆以關雎為康王政衰之詩揚子周康王之時  
頌聲作乎下關雎作乎上習治也習治則傷始亂也  
論衡謝短篇周衰而詩作蓋康王時也康王德缺于  
房大臣刺晏故詩作晉書司馬彪傳云春秋不修則  
孔子理之關雎之亂則師摯修之是春秋託始惠隱  
詩託始康王其義一也以關雎之亂為傷始亂與夫

子歎美之意不甚相合以本古義故存之洋詩碩人傳云盛大也衡門傳云廣大也

子曰狂而不直釋文狂而求匡反侗而不愿注鄭曰愿善也釋文

侗音通又軟動反玉篇音同不愿音願下引鄭注箋也侗說文云大恹恹而不

信注包曰恹恹慤慤也宜可信也集解○釋文恹恹音空慤苦角反

鄭曰恹恹誠慤也文選勸箋論語後錄曰古恹即空進賤注字子罕空空如鄭本亦

作恹恹經傳考證曰後漢書劉惔傳臣恹恹推情章懷太子注恹恹誠慤之貌廣雅恹恹誠也空空如也

亦謂其求教之誠恹空古通用恹亦與款通屈原漁父吾能惓惓款款樸以忠乎款款亦恹恹之謂

子曰學如不及猶恐失之

子曰巍巍乎舜禹之有天下也而不與焉釋文巍巍魚威反不與音

預論衡語增篇舜承安繼治任賢使能恭己無爲

而天下治故孔子曰巍巍乎云云漢書王莽傳

太后詔曰選忠賢立四輔羣下勸職承以康寧孔子

曰巍巍乎云云師古注言舜禹之治天下委任賢臣

以成其功而不身親其事也與讀曰預此一說也魏

志文帝紀注華歆上言曰唐虞歷數不在厥子而在

舜禹又引魏氏春秋曰帝升壇禮畢顧謂羣臣

曰舜禹之事吾知之矣指禪讓言之又一說也

子曰大哉堯之爲君也巍巍乎惟天爲大唯堯則之

哉文類聚人部四載孔融聖人優劣篇曰荀愜等以

爲聖人俱受乾坤之醇靈稟天地之和氣該百王之

高善備九德之淑懿極鴻源之深闊窮品物之情類

曠蕩出於無垠沈微淪於無內器不是周不充聖極

荀以爲孔子稱大哉堯之爲君惟天爲大唯堯則之

是爲覆蓋眾聖最優之明文也凡以堯作天子九十

餘年政化治於人心雅頌流於眾聽是以聲德發聞

遂爲稱首則易所謂久於其道而天下化成百年然

後勝殘去殺必世而後仁者也故曰大哉堯之爲君也堯之爲聖也明其聖與眾聖但以人見稱爲君爾惟天爲大唯堯則之書堯典曰若稽古帝堯正義引鄭注稽同古天也言堯能順天而行之與之同功

蕩蕩乎民無能名焉注包曰蕩蕩廣遠之稱也言其

布德廣遠民無能識名焉

集解論衡自然篇堯則天

爲之化自成故曰蕩蕩乎民無能名焉年五十者擊壤於塗不能知堯之德蓋自然之化也論語補疏曰諡法民無能名曰神孟子言聖而不可知之謂神殺之而不怨利之而不庸民日遷善而不知爲之者故君子所過者化所存者神不可知故無能名無爲而治故不可知繫辭傳云黃帝堯舜氏作通其變使民不倦神而化之使民宜之孔子稱黃帝民得其利百年畏其神百年用其教百年神而化之故畏其神堯之無能名舜之無爲而治皆神也爲政以德譬如北辰居其所而眾星共之包云德者無爲易之四德爲

元亨利貞天以寒暑日月運行爲道聖人以元亨利  
貞運行爲德用中而不執一故無爲無爲故不可知  
不可知故民無能名民運行於聖人之元亨利貞猶  
眾星運行於天之寒暑日月民可使由之不可使知  
之故黃帝堯舜承伏羲神農之後以通變神化立萬  
世治天下之法論語凡言堯舜皆發明之也曰爲政  
以德曰恭己以南面曰脩己以敬此堯舜所以神通  
其變使民不倦神而化之使民宜之此堯舜所以爲  
德卽德卽神卽神卽德故云顯道神德行又云神而  
明之存乎其人默而成之不言而信存乎德行皆化  
裁推行之至用也民無能名爲成功  
文章之本則天之實包注尙未詳  
**功也煥乎其有文章**  
釋文煥煥說文無煥字論語後  
傳伴煥廣大有文章也毛益以廣大釋伴文章釋煥  
是煥與煥同維城案檀弓美哉煥焉正義引王云煥  
言其文章之貌也孔晁亦引孔子云煥乎有文章皆  
用此文是古本皆作煥不作煥作煥非也劉熊碑煥

乎成功渙  
亦借字

舜有臣五人而天下治

釋文天下治直吏反

武王曰予有亂臣十

人

注馬曰亂治也治官者十人也謂周公旦召公奭大

公望畢公榮公大顛閔天散宜生南宮适其餘一人

謂文母也

集解○釋文子有亂十人本或作亂臣十人非召士照反奭音釋閔音宏天於表反

又於遙反散息但鄭曰十人謂文母周公大公召公反宮适古活反

畢公榮公大顛閔天散宜生南宮括也

書大誓正義左襄二十

八年傳

變

亂臣論語後錄云陸德明及開成石經皆無臣字荀子曰治亂謂之亂猶治汗謂之

汗故亂即治義源稱闕札記曰說文亂治也从乚乚治之也从箇按凡訓爲治者皆从此故爾雅釋詁亂



治也則亂本訓治說文又云敲煩也从支从𠂔𠂔亦  
聲按凡訓爲雜亂變亂者其本字作敲以後經典誤  
借並作从乚之亂說文又云𠂔治也幺字相亂受治  
之也讀若亂同曰理也𠂔古文凡从乚之亂與从支之敲  
字不異則𠂔是亂之古文凡从乚之亂與从支之敲  
當是後出之小篆其在古文不別也臣字論語古義  
謂後世因晉時所出大誓益之羣經義證謂三國志  
注引劉廙別傳廙表論治道魏略文帝詔爾雅郭注  
引並有臣字陳鱣又引中論亡國篇周有亂臣十人  
而四海服謂其誤已久唐石經左傳無臣字尙書則  
後人加臣字周公旦召公奭畢公榮公闕天南宮迄  
並見晉語云文王度於闕天而謀於南宮韋昭注南  
宮迄又云重之以周部畢榮韋注周周文公邵邵康  
公畢畢公榮榮公闕天南宮括又與太顛散宜生並  
見昔君庭篇云有若闕天有若散宜生有若泰顛有  
若南宮括兩漢刊誤補遺謂太顛闕天散宜生南宮  
迄師古謂文王之四友表於四友後又謂師尙父此  
誤也太顛與師尙父豈異人哉書大傳曰散宜生南

宮适閔天學於太公望遂見西伯昌於美里故孔子  
曰文王得四臣某亦得四友鄭康成謂周公作君奭  
舉號叔以下五人而不及太公者太師教文王以大  
德周公謙不可以自比誤與表同蓋以太顛太公望  
爲一人維城案史記齊世家太公望呂尚也或謂尚  
其名或謂望其名又孫子兵法云周之興也呂牙在  
殷則牙亦或是其名而從未有言太公名顛者安得  
以書大傳之四臣太公適與太顛相當遠定爲一人  
邪班表鄭說是也文母太姒也詩卷耳序云后妃之  
志也又當輔佐君子求賢審官知臣下之勤勞內有  
進賢之志而無險詖私謁之心朝夕思念至於憂勤  
也論語發微據此謂此言后妃佐文王之事至武王  
時以佐夫者佐其子然依文王世子言文王九十七  
而終武王九十三而終則武王作大誓時針一年已  
八十有五以二十而嫁計之太姒當已百餘歲按文  
王世子所記今文家說也周書度邑曰自發未生于  
今六十年周本紀同自武王未生至克殷僅六十年  
則年五十餘耳周書古文史記多古文說故與今文

家不同揆之事理古文說是馬鄭說孔子曰才難不

其然乎唐虞之際於斯為盛有婦人焉九人而已

才難不其然乎漢書王嘉傳劉向傳贊引才作材乎  
作與唐虞之際於斯為盛經義述間謂自古人才惟  
唐虞之際與此周為極盛也入字作一句讀有婦人  
焉日知錄曰古人有言曰牝雞無晨牝雞之晨惟家  
之索方以用婦人為紂罪乃周之功必藉於婦人乎  
此理之不可通或文字傳寫之誤闕疑可也或謂漢  
石經作有殷人焉注殷人謂膠鬲則上接唐虞之際  
下起以服事殷皆順維城案漢石經為魯論有經無  
注而以為注殷人謂膠鬲其謬甚明雖馬氏所注為  
古文以婦人為文母魯論為今文古今文不同似屬  
可信然鄭君兼通今文石經果為殷人豈不知婦人  
之不可通而必從其師說乎釋文序錄謂鄭就魯論  
張包周之篇章考之齊古為之注是經文先當作殷  
人即從師說為婦人亦當如釋文所載傳不習乎鄭

注魯讀傳為專今從古崔子弑齊君鄭注魯讀崔為  
高今從古之例云魯讀婦為殷今從古今釋文無此  
文則漢石經作殷三分天下有其二以服事殷周之  
人之說不足辨也

德其可謂至德也已矣注包曰殷紂淫亂文王為西  
伯而有聖德天下之歸周者三分有二而猶以服事

殷故謂之至德也集解○釋文參分七南反一變分

天下有其二逸周書程典解作參太子晉解作三陸  
本作參從程典文也今本作三從太子晉文也拜經  
日記曰皇疏本作參云參三也後漢書伏湛傳文選  
班孟堅典引注並引作參謂唐以前六朝舊本皆作  
參是也三分天下有其二以服事殷詩四牡序箋曰  
文王為西伯之時下引此文使臣以王事往來於其  
職於其來也陳其功苦以歌樂之周之德可謂至德  
易繫辭傳曰易之興也其當殷之末世周之盛德邪

當文王與紂之時邪李氏易解引虞翻曰謂文王書  
易六爻之辭也盛德乾三也文王三分天下而有其  
二以服事殷周德其可謂至德矣故周之盛德論語  
述何云美文武之服事為中庸之德所以立教也

子曰禹吾無閒然矣

釋文無閒箋說文閒隙也从門月

月入門有縫而月光可入皆其意也故凡罅隙皆非  
曰閒小爾雅亦訓隙又曰非也方言同後一解

飲食而致孝平鬼神

注馬曰菲薄也致孝平鬼神祭

祀豐潔也

集解○釋文非

箋

非薄小爾雅方言文史記夏本紀下文惡衣服

驟括之云薄衣食亦其

惡衣服而致美平

敬

上音弗

注鄭曰黻祭服之衣冕其冠也

正義箋論語後

冕服之章也古天子十二章黻最在後專言黻者所  
以該眾章也春秋左傳曰晉侯以黻冕命士會士會

卿也亦言黻者古黻上下通之論語發微曰說文市  
鞞也上古衣蔽前而已市以象之天子朱市諸侯赤  
市大夫蔥衡从巾象連帶之形鞞篆文市从韋从火  
說文又曰黻黑與青相次文从黻友聲按蔽膝之市  
當以市爲本字蓋古文如此篆文改爲鞞此及宣十  
六年左傳假鞞爲之毛詩假爲鞞白虎通假爲鞞故  
明堂位有虞氏服鞞鄭注云鞞或作鞞此鞞冕假鞞  
爲鞞當訓爲蔽膝詩赤鞞在股箋云大古蔽膝之象  
也冕服謂之鞞其他服謂之鞞以韋爲之其制上廣  
一尺下廣二尺長三寸其頸五寸肩革帶博二寸据  
箋意知鞞專繫冕服言之故亦言鞞冕宣十六年左  
傳以鞞冕命士會當是希冕而赤鞞蔥衡白虎通有  
紼冕篇明堂位有虞氏服鞞夏后氏山殷火周龍章  
注云鞞冕服之鞞也舜始作之以尊祭服禹湯至周  
增以畫文後王彌飾也彌飾卽致美之意舜作鞞以  
尊祭服故祭服稱鞞冕至十二章之鞞罕與冕並舉  
左傳袞冕鞞珽亦以冕與鞞連言下又云火龍黼黻  
則言袞之一章特鞞字不假作鞞耳鄭云祭服之衣

正以蔽為衣蔽前之制又惟祭名蔽故云然

卑宮室而盡力乎溝洫注包

曰方里為井井間有溝溝廣深四尺十里為成成間

有洫洫廣深八尺也

集解○釋文而盡津忍反溝洫呼域反廣光曠反下同深尸鵠

反下

受

周禮考工記夏后氏上匠注引無而字乎作

同部止切劉昌宗讀卑宮室考工記匠人云夏后氏世

室堂修二七廣四修一五室三四步四三尺九階又

云般人重屋堂修七尋堂崇三尺周人明堂度九尺

之筵東西九筵南北七筵堂崇壹筵鄭注崇高也周

堂高九尺般三尺則夏一尺矣相參之數禹卑宮室

謂此一尺之堂與賈疏謂以無正文故言與以疑之

維城案世室之高雖無正文然獨不言崇則即非一

尺其卑於殷周可知溝洫包注本匠人文程瑤田遂

人匠人溝洫不同考曰遂人職云凡治野夫閒有遂

遂上有徑十夫有溝溝上有畛百夫有洫洫上有塗

千夫有澮澮上有道萬夫有川川上有路以達于畿  
鄭注以南畝圖之則遂縱溝橫澮縱澮橫九澮而川  
周其外焉按畝長畝也一夫之田析之百畝以爲長  
畝南畝者自北視之其畝橫陳於南也南畝故畝橫  
畝流於遂故遂縱遂在兩夫之間則溝橫連十夫故曰十夫  
東西之間也其南北之間則溝橫連十夫故曰十夫  
有溝不可謂二十夫之開故變開言夫也溝經十夫  
流入於澮澮之長如溝縱承十溝溝之水皆入焉故  
曰百夫有澮也澮之水入澮澮長十倍於澮而橫承  
十澮之分布十夫中者故曰千夫有澮也澮十之橫  
貫萬夫之中十澮之水並入於川故曰萬夫有川澮  
橫川自縱也鄭謂九澮而川周其外恐不然矣川上  
有路以達于畿安得有縱路復有橫路邪其橫者則  
二萬夫間之道也澮但言九亦考之不察矣匠人爲  
溝澮耜廣五寸二耜爲耦一耦之伐廣尺深尺謂之  
畝田首倍之廣二尺深二尺謂之遂九夫爲井井間  
廣四尺深四尺謂之溝方十里爲成成間廣八尺深  
八尺謂之澮方百里爲同同間廣二尋深二仞謂之



澮專達于川各載其名凡天下之地執兩山之閒必有川焉大川之上必有涂焉按畎在一夫百畝中物其土宜而爲之南畎畎橫順其畎之首尾以行水入於遂故遂在田首井田大夫三爲屋三夫田首同枕一遂遂在屋閒非夫閒也謂之屋者三夫相連綿如屋然但疆之以別夫而已不若遂人夫爲一遂以受畎水此所以別夫閒而言田首也而鄭氏猶以遂者夫閒小溝釋之遂非不在夫閒而記變其文者蓋自有義不宜襲用遂人之文矣遂流井外溝橫承之井中無溝溝當兩井之閒故以井閒命之其長連十井駟健謂之溝也言不嫌井閒之溝測十井之縱者其縱亦遂之在屋閒而受畎水者也經般闢冰溝十之含百井爲一成十溝之水咸入於洫洫從當兩成之閒故曰成閒有洫也洫之長連十成謂之洫也亦稱之爲洫也洫者其橫亦溝之在井閒而受遂水者也爲成洫也洫之十之含萬井爲一同十洫之水成入於澮澮橫當兩同之閒故曰同閒有澮也澮達

于川川在山開命之曰兩山之閒以例澮在同開  
在成開溝在井開其事相同厥名斯稱矣況夫開爲  
兩夫之閒人所共知遙相疏證辨惑析疑舊聞外互  
咎安辭哉是故萬井之田一澮界兩同之閒萬夫之  
田十澮納百澮之水故一同之澮獨若專達于川之  
又而萬夫有川但準溝承十遂之目形體之端緒不  
同標錄自爾殊致矣賈公彥云井田之法畝縱遂樹  
溝縱澮橫澮縱川橫余謂縱橫無定法視其畝之東  
南而爲之如賈說是東畝法耳左傳晉使齊盡東其  
畝以晉伐齊必向東東畝則川橫而川上路乃可東  
西行故曰惟晉子戎車之利也此畝縱爲東畝畝橫  
爲南畝之確證遂人匠人二法所同者賈氏不明匠  
人於遂不命夫開之故而以爲夫開縱者但分其界  
而無遂又不明遂人夫開之遂亦於田首爲之而以  
爲田首必在百畝之南故必易其縱橫以通其說若  
是則井田之制必無南畝矣豈其然乎顧軾縣注夫  
銅綫黹繡而後世解斯記者亦由不明田首之遂  
不命夫開之故而以爲與遂人夫開之遂同其實而

橫爲之於三夫相連之中因置閒字之義勿復深考而強以屋閒之遂當井閒之溝以井閒之溝當成閒之洫以成閒之洫當同閒之澮而以同閒之澮當兩山之間之川而於是專達於川之一澮不得不十倍增之而又或以爲九矣又按遂人匠人兩義文義皆互相足者也夫閒有遂見遂在兩夫之間兼辭也十夫有溝百夫有洫千夫有澮萬夫有川但就小水入大亦言之偏辭也若以偏辭言遂則曰一夫有達矣以兼辭言溝洫澮川則必曰二十夫之閒二百夫之閒二千夫之閒二萬夫之閒矣田首謂之遂偏辭也井閒謂之溝成閒謂之洫同閒謂之澮兼辭也若以兼辭言遂則曰屋閒謂之遂矣以偏辭言溝洫澮則遂在田首溝在井首洫在成首澮在同首當云井首謂之溝成首謂之洫同首謂之澮矣惟澮所專達之川則必曰兩山之閒難舉偏辭故溯源相從澮洫溝亦皆以閒言之此古人造言之法出於自然治古文者可求而得之者也又井田溝洫名義記曰余既考定匠人爲溝洫之制乃復取鄭氏注小司徒職所引

司馬法之文而讀之然後歎聖人立法之精其命名  
爲不苟也畝百爲夫夫之名命於受田之人也夫三  
爲星屋之名命於三夫之遂同承畝水象屋雷之垂  
於檐也屋三爲井井之名命於疆則九夫三縱二橫  
如井字也井十爲通通之名命於十井之溝下通於  
洫也通十爲成成之名命於縱橫十里爲方百井  
田之制於是乎成也十成爲終終之名命於洫納百  
溝行百里以入於滄井田水道之長終於此矣十終  
爲同同大成也一滄上承洫溝遂畝之水以專達於  
川其有一畝之水不入於遂一遂之水不入於溝一  
溝之水不入於洫一洫之水不入於滄者乎以此言  
同同之名弗可易矣神禹之治水也濬畝滄以入于  
川是故水之行於地中也小大之形三者而已故制  
字以象形一水爲畝二水爲洫三水爲滄爲川及其  
盡力于溝洫也則以爲非多其廣狹淺深之等不足  
以盡疏濬之理而莫萬世農業之安於是山川而滄  
又等而增之而溝而洫而遂乃以承夫百畝中之  
夫然後一旦雨集以大受小遞相承焉不崇朝而盡

達于川矣其承畛者名之以遂何也慮其蓄而弗鳴也故遂之曷爲承之以溝也一縱一橫乃見交暘之義溝蒔也縱橫之說也名之曰溝所以象其形象形曰溝會意曰血血字从血以血承溝謂是血脈之流通也滄會也會上界水以達於川初分終合以盡水之性而不使有汎濫之害也鄭注小司徒云溝洫爲除水害余以爲備潦非備旱也歲歲治之務使水之來也其涸可立而待若以之備旱則宜緒之不宜溝之宜蓄之不宜洩之今之遞廣而遞深也是溝之法非豬之法是洩之非蓄之也故使溝洫之制存而不壞豈惟原田之利農無水潦之患而天下之川亦因之而治矣夫川之淤塞也有所以淤塞之者也溝洫不治則入川之水皆汗濁之渾流實足以爲川害然則溝洫不壞卽謂天下之水永無崩決之虞可也夫神禹之治水也旣疏九河又濬深川此何故哉觀其盡力于溝洫可想見神禹之用心矣吳江沈彤周官五溝異同說曰遂人夫閒有遂匠人田首謂之遂夫閒爲畛水所入卽田首本無異也若遂人十夫有溝



之屬焉成開廣八尺之漚九漚長三千步九其廣爲  
七十二尺七十二尺爲十二步以十二步乘三千步  
得三萬六千步爲畝三百六十爲夫四而弱涂如之  
共九夫強是卽每九十夫所各加之十夫而占其十  
之一弱也其餘則以爲漚與道之屬焉同開廣二尋  
之漚縱橫各九各長三萬步九其廣爲百四十四尺  
百四十四尺爲二萬四千步以二十四步乘三萬步得  
七十二萬步爲畝七千二百爲夫七十二倍之爲百  
四十四夫道如之共二百八十八夫是卽每九百夫  
所各加之百夫而占其百之三強也其餘則以爲川  
與路焉然則匠人之所占俱遂人之所加而三溝彼  
此之計蓋是固川之天成者若其人爲者環一受漚  
互計蓋是固川之天成者若其人爲者環一受漚  
所達山漚而推之每一偏長當如酒亦三萬步廣當  
倍漚爲四尋四尋爲五步二尺乘三萬  
步得十六萬步爲畝千六百爲夫十六四之爲六十  
四夫川與四同爲界當各分其半半川爲三十二夫

川兩旁有路當去鄰界一而爲之長如道廣倍半川  
爲六十其夫共九十六夫是卽每九千夫所各加之  
千夫而占其百之一強也其餘則以爲澮與道已上  
者焉凡一同含十終去一終存九終九終含九十成  
九十成凡一夫并而爲九百通九百通所各加之十夫九千井所各加  
之一夫并而爲九百通所各加之十夫九百通所各  
加之十夫并而爲九百通所各加之十夫九百通所  
各加之百夫并而爲九百通所各加之十夫九百通  
實不增總爲九千此九百夫卽所去之一終自溝畛  
至川路悉分布其間而占其十之二弱靖懋姑三  
點與順縣賦畝餘十之八而強則以爲城郭宮  
室之屬而所占亦無多其餘若平土則更爲田若山  
陵林麓川澤則可田者田之否則因之至遂與徑所  
占蓋卽一夫之地曰田首明不在此田外也二說不同  
其謂遂人匠人無異則同也此皆言周制以井田溝  
洫殷周皆因禹跡也潛正劄記曰盡力溝洫與卑宮  
室相對當洪水未平下巢上窰民不得平土而居之  
禹決九川距四海使大水有所歸復潏澮距川使



小水皆有所入然後四隩既宅民得安居是則卑宮  
室而盡力乎溝洫者居無求安而奠萬姓之居是急  
也義門讀書記亦云溝洫二字卽班固溝洫志所本  
乃治天下之小水非指行井田也說文洫下引乎作  
于史記禹本紀引作致費于溝洫維城案洫古通  
詩文王有聲傳洫成溝也是其證盡力作致費與上  
致孝致美一律疑史公時古文論語有此異本也論  
語述何曰禹之治水因鰣之功致孝之大者也不自  
大其事不自尚禹吾無閒然矣其功故無閒然

論語古注集箋卷四終